



Međunarodni sud za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine

Predmet br. IT-04-74-T

Datum: 21. april 2010.

Original: FRANCUSKI

PRED PRETRESNIM VIJEĆEM III

U sastavu: sudija Jean-Claude Antonetti, predsjedavajući
sudija Árpád Prandler
sudija Stefan Trechsel
sudija Antoine Kesia-Mbe Mindua, rezervni sudija

Sekretar: g. John Hocking

Odluka od: 21. aprila 2010.

TUŽILAC

protiv

**Jadranka PRLIĆA
Brune STOJIĆA
Slobodana PRALJKA
Milivoja PETKOVIĆA
Valentina ČORIĆA
Berislava PUŠIĆA**

JAVNO

**ODLUKA PO ZAHTJEVU STOJIĆEVE ODBRANE ZA PREISPITIVANJE ILI,
ALTERNATIVNO, ZA ODOBRENJE DA ULOŽI ŽALBU NA NALOG O PRIHVATANJU
DOKAZA U VEZI SA SVJEDOKOM RADMILOM JASKOM**

Tužilaštvo:

g. Kenneth Scott
g. Douglas Stringer

Odbrana:

g. Michael Karnavas i gđa Suzana Tomanović za Jadranka Prlića
gđa Senka Nožica i g. Karim A. A. Khan za Brunu Stojića
g. Božidar Kovačić i gđa Nika Pinter za Slobodana Praljka
gđa Vesna Alaburić i g. Nicholas Stewart za Milivoja Petkovića
gđa Dijana Tomašegović-Tomić i g. Dražen Plavec za Valentina Čorića
g. Fahrudin Ibrišimović i g. Roger Sahota za Berislava Pušića

PRETRESNO VIJEĆE III (dalje u tekstu: Vijeće) Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud),

RJEŠAVAJUĆI PO "Zahtjevu Brune Stojića za preispitivanje ili, alternativno, za odobrenje da uloži žalbu na 'Nalog o prihvatanju dokaza u vezi sa svjedokom Radmilom Jaskom' od 18. marta 2010.", koji su branioci Brune Stojića (dalje u tekstu: Stojićeva odbrana) podnijeli na javnoj osnovi 25. marta 2010. (dalje u tekstu: Zahtjev),

IMAJUĆI U VIDU "Nalog o prihvatanju dokaza u vezi sa svjedokom Radmilom Jaskom" koji je izdat na javnoj osnovi 18. marta 2010. (dalje u tekstu: Nalog od 18. marta 2010.) kojim je Vijeće odbilo zahtjev Stojićeve odbrane za prihvatanje dokaznih predmeta 2D 00257 i 2D 03076,

IMAJUĆI U VIDU "Odluku u vezi sa zahtjevima strana u postupku za preispitivanje odluka Vijeća", donesenu na javnoj osnovi 26. marta 2009. (dalje u tekstu: Odluka od 26. marta 2009.) kojom je Vijeće regulisalo zahtjeve strana u postupku za preispitivanje i podsjetilo da takvi zahtjevi treba da ostanu iznimka, a ne da postanu pravilo,

BUDUĆI DA ni tužilaštvo ni drugi timovi odbrane nisu podnijeli odgovor na Zahtjev,

BUDUĆI DA, kao prvo, u vezi s dijelom Zahtjeva koji se odnosi na preispitivanje, Vijeće primjećuje da Stojićeva odbrana nije niti iznijela izuzetne okolnosti, niti pokazala da je Vijeće napravilo očiglednu grešku u rezonovanju kada je odbilo uvrštavanje u spis dokaznih predmeta 2D 00257 i 2D 03076, što bi zahtijevalo preispitivanje Naloga od 18. marta 2010.; da je Zahtjevom samo osporila odluku Vijeća u navedenom Nalogu; da stoga Vijeće odlučuje da odbije taj prvi dio Zahtjeva,

BUDUĆI DA je, kao drugo, u vezi s dijelom Zahtjeva koji se odnosi na zahtjev za odobrenje da se uloži žalba na Nalog od 18. marta 2010., Vijeće uvjeren u razumnost tog naloga i smatra da Stojićeva odbrana nije pokazala da je predmet zahtjeva pitanje koje bi moglo osjetno ugroziti pravičnost ili ekspeditivnost postupka, ili njegov ishod, i da bi njegovo rješavanje od strane Žalbenog vijeća moglo konkretno pospješiti postupak,

IZ TIH RAZLOGA,

NA OSNOVU pravila 54, 73(B) i 89 Pravilnika o postupku i dokazima,

ODBIJA zahtjev za preispitivanje Naloga od 18. marta 2010. koji je podnijela Stojićeva odbrana, iz razloga iznesenih u ovoj odluci, **I**

ODBIJA zahtjev za odobrenje da se uloži žalba na Nalog od 18. marta 2010. koji je podnijela Stojićeva odbrana iz razloga iznesenih u ovoj odluci.

Sastavljeno na engleskom i na francuskom jeziku, pri čemu je mjerodavna francuska verzija.

/potpis na originalu/

Jean-Claude Antonetti,
predsjedavajući Vijeća

Dana 21. aprila 2010.

U Haagu (Nizozemska)

[pečat Međunarodnog suda]